



URED ZA ODNOS S JAVNOŠĆU

Glavna komanda Snaga Europske unije
Baza Butmir
71000 Sarajevo
Bosna i Hercegovina
<http://www.euforbih.org/>
Tel: 00387 (0)33 49 5214 / 5216

Saopštenje za štampu

EUFOR nastavlja pružati pomoć nakon završetka vježbe “Zajednički napor”

Danas je održana oproštajna svečanost na kojoj je izražena zahvalnost trima rezervnim četama EUFOR-a na učešću u “Zajedničkom naporu”, kako je nazvan zajednički rad sa Oružanim snagama BiH na pružanju pomoći pri saniranju posljedica katastrofalnih poplava.

Slovenija, Austrija i Ujedinjeno Kraljevstvo poslali su po 120 vojnika, koji su prvobitno trebali biti raspoređeni u BiH kako bi učestvovali u vježbi “Brzi odgovor 14”, ali je zbog razornih poplava glavnina aktivnosti EUFOR-a i Oružanih snaga BiH preusmjerena na pružanje pomoći poplavama pogođenim područjima.

Izvršeni su između ostalog sljedeći zadaci: uklanjanje naplavina i otpada iz kuća i poslovnih objekata, prijevoz humanitarne pomoći, dezinfekcija zgrada i ulica i rekonstrukcija puteva na sjeveru zemlje. Ovim aktivnostima demonstrirana je tzv. “dvostruka upotreba” modernih oružanih snaga, koje, osim što su vojni instrument, imaju i humanitarnu ulogu.

Svečanost, koja je održana u bazi Oružanih snaga BiH “Dubrave” u Tuzli, bila je prilika da se još jednom zahvali i poželi sretan put ovim vojnicima. Svečanosti su prisustvovali komandant EUFOR-a, general-major Dieter Heidecker, ministar odbrane BiH, g. Zekerijah Osmić, i načelnik Zajedničkog štaba Oružanih snaga BiH, general-major Anto Jeleč.

General-major Heidecker iskoristio je ovu priliku da se zahvali pripadnicima rezervnih četa na uloženom trudu, naglasivši da EUFOR još nije završio rad na ovome.

“Danas se opraštamo sa četama Rezervnih snaga EUFOR-a, ali to ne znači da se angažman EUFOR-a u ovom smislu završava. Ostatak trupa EUFOR-a nastavlja pomagati pri saniranju posljedica poplava, dok EUFOR nastavlja da provodi svoj program osposobljavanja i obuke sa Oružanim snagama BiH.”

General-major Heidecker je pohvalio napore Oružanih snaga BiH i izrazio svoje zadovoljstvo zbog toga što su Oružane snage BiH brzo odgovorile na ovaj izazov.

Nakon ovoga, EUFOR će zajedno sa Oružanim snagama BiH provesti proces identifikiranja i usvajanja naučenih lekcija, kako bi se uspjesi postignuti u okviru

“Zajedničkog napora” nastavili. Zahvaljujući detaljnoj analizi Oružane snage će i u budućnosti moći brzo i efikasno reagirati i na najbolji način pomoći stanovništvu u slučaju elementarnih nepogoda i drugih katastrofa.

KRAJ

Glasnogovornik: kkr. Alice Williams-Alden
00387 (0)33 495 216
00387 (0)66 914 665
Alice.Williams-allden@eufor.europa.eu

Šef Ureda
za odnose s javnošću: puk. Alexander Pehr
00387 (0)33 495 214
00387 (0)66 914 664
euforpio@eufor.europa.eu